

‘স্টার্ট আপ ফান্ড’ সংক্রান্ত তথ্য

বিশ্বের অনেক দেশেই ‘স্টার্ট-আপ’ উদ্যোগ যথাযথ পৃষ্ঠপোষকতায় সফল প্রতিষ্ঠান হিসেবে আবির্ভূত হয়েছে। বাংলাদেশেও সম্ভাবনাময় ‘স্টার্ট-আপ’ উদ্যোগসমূহকে পৃষ্ঠপোষকতা প্রদানের মাধ্যমে কর্মসংস্থানসহ দেশের অর্থনীতিকে বেগবান করা সম্ভব। ‘স্টার্ট-আপ’ উদ্যোগ/প্রকল্পের অনুকূলে সহজলভ্য ব্যাংক ঋণ/বিনিয়োগ প্রদানের মাধ্যমে নতুন উদ্যোক্তা তৈরী এবং স্ব-কর্মসংস্থান উৎসাহিত করা আবশ্যিক বিবেচনায় ‘স্টার্ট-আপ ফান্ড’ গঠন করা হয়েছে।

যাদের জন্য : উদ্যোক্তার প্রস্তাবিত উদ্যোগ সম্পূর্ণ নতুন, সৃজনশীল এবং উদ্যোগটিতে প্রযুক্তির সন্নিবেশ থাকতে হবে। প্রস্তাব দাখিলের সময়ে উদ্যোক্তার বয়স কমপক্ষে ২১ হতে সর্বোচ্চ ৪৫ বছর হতে হবে। বাংলাদেশ ব্যাংক কর্তৃক মার্চ ২৯, ২০২১ তারিখে জারিকৃত এসএমইএসপিডি সার্কুলার নং-০৪ অনুসারে তফসিলি ব্যাংকসমূহ কর্তৃক গঠিত নিজস্ব ‘স্টার্ট আপ ফান্ড’ হতে এ ঋণ/বিনিয়োগ গ্রহণ করা যাবে। এছাড়া, বাংলাদেশ ব্যাংক কর্তৃক গঠিত ৫০০(পাঁচশত) কোটি টাকার ‘স্টার্ট আপ ফান্ড’ হতে ব্যাংকসমূহ পুনঃঅর্থায়ন সুবিধা গ্রহণ করতে পারবে।

ঋণ/বিনিয়োগের মেয়াদ ও গ্রাহক পর্যায়ে সুদ/মুনাফার হার : গ্রাহক পর্যায়ে ঋণ/বিনিয়োগের মেয়াদ হবে সর্বোচ্চ ০৫ (পাঁচ) বছর। ব্যাংকার-গ্রাহক সম্পর্ক এবং ‘স্টার্ট-আপ উদ্যোগ’ এর ধরণ বিবেচনায় প্রেস প্রিরিয়ড নির্ধারণ করা যাবে; তবে, তা ০১ (এক) বছরের বেশি হবে না। গ্রাহক পর্যায়ে ঋণ/বিনিয়োগের বাৎসরিক সরল সুদ/মুনাফার হার হবে সর্বোচ্চ ৪%। বাংলাদেশ ব্যাংক কর্তৃক তফসিলি ব্যাংকসমূহকে পুনঃঅর্থায়নের ক্ষেত্রে সুদ/মুনাফা হার হবে ০.৫০%।

ঋণ/বিনিয়োগের সর্বোচ্চ সীমা : উদ্যোগ ভেদে সর্বোচ্চ ০১(এক) কোটি টাকা যা ০৩(তিন)টি কিস্তিতে বিতরণ করা হবে।

ঋণ/বিনিয়োগ গ্রহীতার যোগ্যতা/শর্তাবলী : আবেদনকারী নতুন উদ্যোক্তাকে ব্যবসা পরিচালনা বিষয়ে প্রাতিষ্ঠানিক শিক্ষা বা প্রশিক্ষণ গ্রহণের সার্টিফিকেট থাকতে হবে। প্রাতিষ্ঠানিক কারিগরি শিক্ষা না থাকলে উদ্যোক্তার সংশ্লিষ্ট বিষয়ে যথাযথ বাস্তব ভিত্তিক জ্ঞান, অভিজ্ঞতা ও নতুন উদ্যোগ পরিচালনার সক্ষমতা থাকতে হবে।

আগ্রহী উদ্যোক্তাগণ বাংলাদেশ ব্যাংকের ওয়েবলিংকে (<https://www.bb.org.bd/smeportal/schemes.php>) প্রদর্শিত সংশ্লিষ্ট তালিকায় (Startup Fund-Bank List) বর্ণিত ব্যাংকসমূহে ‘স্টার্ট আপ ফান্ড’ সংশ্লিষ্ট ঋণ/বিনিয়োগ প্রাপ্তির উদ্দেশ্যে আবেদন করতে পারবেন। বাংলাদেশ ব্যাংক কর্তৃক গঠিত ‘স্টার্ট আপ ফান্ড’ হতে সংশ্লিষ্ট তালিকায় (Startup Fund-PFI List) বর্ণিত ব্যাংকসমূহ পুনঃঅর্থায়নের জন্য আবেদন করতে পারবে।